

Լրատու

Թիւ 14 (Բացառիկ)
Դեկտեմբեր 2009

Կիպրահայ Զամայնքի Պետական Ներկայացուցչի Գրասենեակի



Սիրելի հայրենակիցներ,

Ներկայացուցչի պաշտօնին ընտրուելուս առաջին իսկ օրէն, ինչպէս խոստացած էի նախընտրական շրջանին, պարտք համարեցի Կիպրահայութիւնը տեղեակ պահել գաղութը յուզող բոլոր հարցերուն առնչութեամբ, աշխատելով թափանցիկ ու յստակ սկզբունքներով:

Այս առաջադրանքին ծառայելու նպատակով, ծնունդ առաւ «Լրատու»ի կանոնաւոր ու հերթական հրատարակումը: Երեսփոխանական Գրասենեակի հսկայական ու բազմակողմանի աշխատանքներուն կողքին, կու գար աւելնալու բժախնդրութեամբ եւ ամփոփ ձեւով պատրաստելու այս գրքոյկին ծանր բեռը, որ ընդհանրապէս կ'ընդգրկէ պատգամս ուղղուած Կիպրահայութեան ու մեր հայրենակիցներուն, հակիրճ ձեւով կը ներկայացնէ իմ ու գրասենեակիս կողմէ կատարուած եռամսեայ գործունեութիւնը, ինչպէս նաեւ գաղութը տեղեակ կը պահէ

Կիպրոսի Հանրապետության օրենքներուն եւ կամ նորութիւններուն կապակցութեամբ: Երեք անձիք սիրայօժար նուիրումով կ'իրագործեն «Լրատու»ի հեզասահ հրատարակութիւնը, ներառեալ գաղութիս կայքէջին մէջ լոյս տեսնող անգլերէն թարգմանութիւնը:

Այս տարին, ընդհանուր առմամբ կրնամ համարել հեզասահ գործունեութեամբ բեղուն տարի մը, բացի Նարեկ Վարժարաններու Տնօրէնութեան եւ հոգաբարձական կազմի նշանակումներուն առիթով ստեղծուած անհաճոյ եղելութիւններէն: Ճակատաբաց կը յայտարարեմ, թէ անոնք բարուք լուծումի յանգեցան՝ ի նպաստ Կիպրահայութեան միակ հայեցի դաստիարակութիւն մատուցող կրթարանին:

Նարեկ Վարժարաններու հոգաբարձական նոր կազմի նշանակման տաղտկալի իրադարձութիւններուն ընթացքին, ամուր կառչած մնալով նախնական ներկայացուցած ցանկիս որդեգրման, անկողմնակալ սկզբունքներով առաջարկուած անձերու անունները գործս դիւրացուցին թէզս պաշտպանելու եւ փաստելու կառավարական բարձրաստիճան պաշտօնեաներուն, թէ խմբակի մը կողմէն փոխանցուած տեղեկութիւնները անհիմն էին, իսկ անուանացանկը կազմուած էր իւրաքանչիւրին ունեցած արժեքներուն ու ասպարեզային փորձառութեան հիման վրայ: Չեզոքութեան կշիռը պահելով, կըրցայ լուծել Նարեկ Վարժարաններու նոր հոգաբարձական մարմինին առիթով արժարծուած անհաճոյ եղելութիւնները: Խուսափելու համար կրկնութիւն կատարելէ, «Անհրաժեշտ Լուսաբանութիւն» խորագիրով 16.12.2009 թուակիր հաղորդագրութեամբ մը, մանրամասնութեամբ ձեզի փոխանցեցի այն ինչ որ կենսական կը նկատէի: Բաւարարուած եմ իրագործած արդիւնքովս, իսկ անոնք որոնք հետաքրքրուած են Նարեկ Վարժարաններու

րու ապագայի վերելքով պիտի նշմարեն, թե սկզբնական ցանկեւ կարգ մը իսկապէս առաւելութիւններ ունեցող անձերու հաշւոյն եղան փոխարինումները: Այդ անձերը շատ բան ունէին տալիք դպրոցին, կրթական մարզին մէջ իրենց ունեցած փորձառութեամբ եւ մասնագիտութեամբ:

Հոս փակագիծ մը բանալով յստակացնեմ, թե տարիներ առաջ, **երեք անհատներ աւելցան անհաւասարակը-շիռ հոգաբարձական կազմի մը վրայ**, ուր անտեսուած էր գաղութին մէկ պատկառելի հատուածը, մինչ այս պարագային, փորձ կատարուեցաւ Պետական Ներկայացուցիչին **ներկայացուցած հաւասարակշռուած ցանկէն դուրս ձգել տալ յստակ նշելով հինգ յատուկ անուններ**, զանոնք փոխարինելով այլ հինգ անհատներով: Հարցերը լաւ ըմբռնենք եւ նոյն սակարին մէջ չդնենք:

Յամենայնդէպս, վերջին իրադարձութիւններու արդիւնքը յանգեցաւ բարուք լուծումի, որ բան պիտի չփոխէ նորանշանակ հոգաբարձական կազմին նպատակներէն ու ծրագրումներէն, քանի որ մեծամասնութեամբ որդեգրուեցան նախնական ցանկովս ներկայացուած անունները: Ձեզի կը վստահեցնեմ, թե 2009 թուականի նոր տնօրէնի նշանակումով ու նոր հոգաբարձութեամբ, Նարեկ Վարժարանները պիտի յարատեւեն նոր հեռանկարով հասնելով բարձրագոյն մակարդակի:

Շաբաթ, 31 Հոկտեմբերին, Սիկոսիոյ «Բալլաս» հանդիսասրահէն ներս «Կոմիտաս» Զառեակի ելոյթը մեծ յաջողութեամբ պսակուեցաւ, թե՛ որակի եւ թե՛ ներկաներու թիւի առումով: Յաջորդ էջերուն մէջ լայնօրէն անդրադարձած ենք այս մասին:

Իսկ Չորեքշաբթի, 18 Նոյեմբեր 2009ին, Առաջնորդարանի «Իւթիւճեան» սրահին մէջ տեղի ունեցաւ դասախօսութիւն-գրոյց «Մոլութիւններու Կանխարգիւում»

նիւթով: Բովանդակալից դասախօսութիւնը ու ներկաներու հարցումներով մասնակցութիւնը խիստ հետաքրքրական ու հաճելի դարձուցին ձեռնարկը: Մանրամասնութիւնները՝ «Լրատու»ի 10-րդ էջով:

Եւրոպական Խորհուրդի Գլխաւոր Կառոյցի Ազգային Փոքրամասնութիւններու Պահպանութեան Խորհրդատու Մարմինի (Advisory Committee on the Framework Convention for the Protection of National Minorities) պատւիրակութեան հետ հերթական հանդիպումս անհրաժեշտ ու բեղմնաւոր կը դառնայ տարուէ տարի: Արժարձւած ու քննարկուած նիւթերու ամփոփ տեղեկագրութիւն պիտի տեսնէք «Լրատու»ի յաջորդ էջերուն մէջ:

Մեր սիրելի հայրենակիցներուն անցագրային ու այլ հարցերը դիւրացնելու նպատակով, Փետրուար 5ին եւ 6ին Կիպրոս հրաւիրեցի ՀՀ Յունաստանի եւ Կիպրոսի Դեսպանութեան հիւպատոս Տիկ. Լիանա Գրիգորեանը: Երեսփոխանական Գրասենեակը, լրիւ երկու օրերով դեսպանութեան տրամադրութեան տակ պիտի ըլլայ: Կը յանձնարարենք բոլոր Հայաստանցի քաղաքացիներուն, օգտուելու այս իւրայատուկ առիթէն: Ներփակ պիտի գտնէք յայտարարութիւն մը այս առնչութեամբ:

Նոր Տարուայ եւ Ս. Ծնունդի ուրախ առիթներով կը շնորհաւորեմ Ձեր բոլորին Ամանորը յուսալով, որ 2010 տարեշրջանին, բոլորս ձեռք ձեռքի տուած հաստատակամօրէն կը յառաջանանք դէպի փայլուն ապագայ:

Վարդգէս Մահտեսեան
Կիպրահայ Համայնքի Պետական Ներկայացուցիչ

ԵՌԱՄՍԵԱՅ ԳՈՐԾՈՒՆԵՈՒԹԻՒՆ

Առ ի գիտութիւն մեր հայրենակիցներուն կը փոխանցենք, թէ Օտարահպատակներու եւ Ներգաղթի Բաժանմունքը (Aliens & Immigration Unit), 7 Դեկտեմբեր 2009էն մինչեւ 7 Յունուար 2010ը փակ պիտի մնայ հանրութեան համար, գրասենեակի տեղափոխութեան պատճառով: Զտեւաբար, մեր գրասենեակի աշխատանքները վերոնշեալ բաժանմունքին հետ ժամանակաւորապէս սառած են:

Յայտակութիւն

Վերջին երեք ամիսներուն ընթացքին, երեք անհատներ Կիպրական հպատակութիւն ստացան, որոնցմէ երկուքը՝ Մելգոնեան Կրթական Զաստատութեան նախկին շրջանաւարտներէն:

Յիշեցնենք, թէ վերջին մի քանի տարիներուն, քաղաքացիութեան դիմում ներկայացուցած հարիւրի մօտ անհատներ, մեր գրասենեակը դիմած էին ինդրելով Պրն. Մահտեսեանի միջամտութիւնը: Իւրաքանչիւր հարց լըրջօրէն սերտելէ ետք, 2006, 2007 եւ 2008 տարեշրջաններուն, Պետական Ներկայացուցիչը, առաջնահերթութեան կարգով, յաջորդական երեք անուանացանկեր պաշտօնապէս փոխանցեց Ներքին Գործոց Նախարարութեան յատուկ ուշադրութեան: Յաճախակի եւ լուրջ հետապնդումներով, շատ մը դժուար ու անելի դիմաց գտնուող անձերու հպատակութեան հարցերը բարուք լուծումի յանգեցան, միաժամանակ յարգելով օրէնքով սահմանուած պայմանները: Այդ պայմանները ամբողջացնելու հիմնական կէտերն են՝ տարեկան կեցութեան արտօնագիրի նորոգում՝ մինչեւ քաղաքացիութիւն ստա-

նալը, անցագիրի ժամկետի ի գորու վաւերականութիւն, բժշկական ապահովագրութիւն եւ բաւարար եկամուտ ունենալու փաստ կամ գործի համաձայնագիր: Անշուշտ, աւելորդ է ըսել, թէ վերոյիշեալ անհատները պէտք է Կիպրոս բնակին մինչեւ իրենց հարցի վերջնական լուծումը:

**Հանդիպում՝ Եւրոպական Խորհուրդի Գլխաւոր
Կառոյցի Ազգային Փոքրամասնութիւններու
Պահպանութեան Խորհրդատու Մարմինին հետ**

Երկուշաբթի, 12 Զոկտեմբեր 2009ին, Պրն. Մահտեսեան հանդիպում ունեցաւ Եւրոպական Խորհուրդի Գլխաւոր Կառոյցի Ազգային Փոքրամասնութիւններու Պահպանութեան Խորհրդատու Մարմինի (Advisory Committee on the Framework Convention for the Protection of National Minorities) պատուիրակութեան հետ: Այս երրորդ հանդիպումն էր, որու ընթացքին Կիպրահայ Համայնքի Պետական Ներկայացուցիչը, փաստացի ապացոյցներով, անոնց ուշադրութեան յանձնեց Կիպրահայ երիտասարդութեան դիմագրաւած դժուարութիւնները կարգ մը ասպարեզներու եւ կառավարական գործերու մուտքի քննութեանց կապակցութեամբ, ուր Յունարեւին Մայր լեզուին նման լաւ տիրապետած չըլլալը, լուրջ արգելք կը հանդիսանայ մրցելու եւ ապահովելու համապատասխան կառավարական պաշտօններ կամ գործի արտօնագիրներ: Ան շարունակեց ընդգծելով, «արդեօ՞ք մայրենի լեզուի ուսուցումը պէտք է սահմանափակել՝ բարելաւելու Յունարեւն լեզուի բարձր գիտութիւնը: Մելգոնեան Կրթական Հաստատութեան փակումը, եկաւ աւելցնելու Նարեկ Հայկական Վարժարաններու պարտաւորութիւնը, լաւագոյնս ուսուցանելու Հայերէն լեզուն եւ պատմութիւնը»:

Գալով Մելգոնեան Կրթական Հաստատության ճակատագիրին, Պրն. Մահտեսեան անոնց փոխանցեց, թե ինք կը շարունակէ կառավարական մակարդակի հանդիպումները եւ այս գծով պիտի խնդրէր Եւրոպական Խորհուրդի Ազգային Փոքրամասնութիւններու Պահպանութեան Խորհրդատու Մարմինի աջակցութիւնը:

Երրորդ գլխաւոր արծարծուած հարցը, կրօնական փոքրամասնութիւններու Պետական Ներկայացուցիչներու Սահմանադրութեամբ հաստատուած իրավիճակին կապակցութեամբ էր, որ առ այժմ Պետական Ներկայացուցիչը նախընտրեց չքննարկել, նկատի առնելով Կիպրական հարցի բանակցութիւններու լուրջ հոլովոյթը, սակայն մատնանշեց կարեւորութիւնը, գոնէ մեր գաղութին հետ առնչուող հարցերուն կապակցութեամբ ձայն ունենալ:

Անդրադարձ կատարուեցաւ նաեւ բանակի ծառայութեան հետ կապուած հարցերուն, որոնք մեծ մասամբ լուծուած կը համարուին, եւ Կիպրոսի Պետական Համալսարանին մէջ հայկական ամպիոնի մը հաստատման առաջարկին:

Պրն. Մահտեսեան տեսակցութեան աւարտին շնորհակալութիւն յայտնեց Խորհրդատու Մարմինին անոնց տարած 202ափետիլ աշխատանքին համար եւ եզրափակեց ընդգծելով, թէ զգալի յառաջդիմութիւն կայ կառավարութեան վերաբերմունքին մէջ, ինչ կը վերաբերի Կիպրոսի մէջ ապրող փոքրամասնութիւններուն կրթական, մշակութային եւ ընկերային մարզերէն ներս:

Յիշենք, թէ այս մարմինը հանդիպում ունեցաւ նաեւ Նարեկ Վարժարաններու տնօրէնութեան եւ հայ մամուլի ներկայացուցիչներուն հետ:

«ԿՈՄԻՏԱՍ» Քառեակի անկրկնելի ելոյթ



«Կոմիտաս» Քառեակը ելոյթի պահուն

Շաբաթ, 31 Յոկտեմբեր 2009ին, Երեսփոխանական Գրասենեակի կազմակերպութեամբ, Նիկոսիոյ «Բալլաս» թատերասրահին մէջ, մեծ յաջողութեամբ իրականացաւ հայրենի «Կոմիտաս» Քառեակի աննախընթաց ելոյթը, նուիրուած Կոմիտաս Վարդապետի ծննդեան 140-ամեակին: Մօտ 425 հոգի հաշուող օտար իրաւիւրեալներու եւ հայ հանդիսատեսներու ներկայութեան, աշխարհի ամենահին եւ գոյատեւող քառեակը, իր երրորդ սերունդի երաժիշտներու բացառիկ կատարողութեամբ, ելոյթ ունեցաւ նուագելով Կոմիտասի, Մոցարթի, Յենտըլի, Կարտելի եւ Փիածոլլայի հատընտիր ստեղծագործութիւնները: 17րդ եւ 18րդ դարու պատկանող «Կուարնտետի» երաժշտական գործիքներու ընկերակցութեամբ ու արուեստագետի ամենաբարձր հմտութեամբ, անոնք

Ներգրաւեցին ներկաներուն սրտերն ու հոգիները, արժանանալով ջերմ ծափահարութեան: Քառեակը, քաջալերուած ներկաներուն անվերջանալի ծափահարութենէն, յայտագիրի աւարտին սիրայօժար նուագեց երեք յաւելեալ կտորներ:



Ձեռնարկէն ետք, «Կոմիտաս» Քառեակի անդամները եւ սոյն ձեռնարկի յաջողութեան իրենց ներդրումը բերած անձիք, անմոռանալի պահեր անցուցին հիւրասիրուելով ՏԵՐ ԵՒ ՏԻԿ. Վարդգես Մահտեսեաններու բնակարանը, ուր անոնք ամիթը ունեցան մօտէն զրուցելու եւ ծանօթանալու իւրաքանչիւր երաժիշտի հետ:

Ձեռնարկին յաջորդ օրը, Քառեակը միօրեայ շրջապարտոյտ մը ունեցաւ Կիպրոսի ծովեզերեայ շրջանները եւ յաջորդ առաւօտ անոնք մեզմէ բաժնուեցան ամենալաւ յիշատակներով եւ տպաւորութեամբ:

Մեր սրտագին շնորհակալությունները կը փափաքինք փոխանցել ձեզի, որ ձեր ներկայութեամբ սատարեցիք եւ քաջալերեցիք մեր գրասենեակին կողմէ կազմակերպուած եւ հայ մշակոյթը անմահացնող գեղարուեստական այս յաջող երեկոն:

Մոլութիւններու Կանխարգիլում (Prevention of Addictions)



Տոքթ. Կիրիակոս Վերեյէս դասախօսութեան պահուն

Չորեքշաբթի, 18 Նոյեմբեր 2009ին, Առաջնորդարանի «Իւթիւնեան» սրահին մէջ, տեղի ունեցաւ «Մոլութիւններու Կանխարգիլում» սիրօով ձեռնարկ մը, որու հիւր դասախօսն էր մասնագետ ջղաբան-հոգեբան Տոքթ. Կիրիակոս Վերեյէս:

Ձեռնարկը սկսաւ համակարգիչի դրութեամբ նախաբան-ներկայացումով մը, որու միջոցով ներկաները տե-

ղեկացան Կիպրոսի մեջ կատարուած թմրեցուցիչներու գործածութեան վերաբերեալ ուսումնասիրութիւններու տոկոսային արդիւնքներուն:

Սօս երկու ժամ տեւող ձեռնարկը շատ յաջող միջոցառում մը նկատուեցաւ, եղած հարցումներու որակին եւ ստացուած հետաքրքրական պատասխան-թելադրանքներուն առումով:



Տոքթ. Վերելյէտին յուշանուէր յանձնելու պահուն

Ձեռնարկի աւարտին, Պրն. Մահտեսեան շնորհակալութիւն յայտնելով Տոքթ. Վերելյէտին, անոր յանձնեց յուշանուէր մը՝ առ ի գնահատանք իր տրամադրած սիրալոյսար ծառայութեան:

Շնորհաւորական գիր

16 Յոկտեմբեր 2009 թուակիր գիրով մը, Պետական Ներկայացուցիչը շնորհաւորեց Պրն. Գագիկ Ղալաչյանը

Յունաստանի եւ Կիպրոսի Արտակարգ եւ Լիազօր դեսպան նշանակուելուն առիթով, միեւնոյն ժամանակ յոյս յայտնելով, որ այս նշանակումով աւելի պիտի զօրանան Կիպրահայ Զամայնքի Ներկայացուցիչին եւ Զայաստանի Զանրապետութեան դեսպանութեան միջեւ սերտ կապերը, ի նպաստ Կիպրահայութեան եւ Կիպրոս-Զայաստան փոխ-յարաբերութիւններու ամրապնդման:

Պետական-պաշտօնական մակարդակի հանդիպումներ

Երեքշաբթի, 29 Զոկտեմբեր 2009ին, Պետական Ներկայացուցիչը հանդիպում ունեցաւ Կրթութեան եւ Մշակոյթի Նախարար Դոկտ. Անտրեաս Տիմիթրիուիի եւ Կիպրոսի Պետական Զամալսարանի Րեկտոր Դոկտ. Ստաւրոս Չենիոսի հետ, ներկայութեամբ Մելգոնեան Կրթական Զաստատութեան Սանուց Միութեան պատւիրակութեան մը: Այս հանդիպումին Նախարարը վերահաստատեց Կիպրոսի Կառավարութեան ցանկութիւնը՝ հետապնդելու Մելգոնեան Կրթական Զաստատութեան հարցը:



Պետական Ներկայացուցիչ Վարդգէս Մահտեսեանի հետ

Նոյն օրը, Պրն. Մահտեսեան Երեսփոխանական Գրասենեակին մէջ ընդունեց Հայ Աւետարանական Եկեղեցւոյ Կիպրոսի Ներկայացուցիչ Տիար Հրայր Ճեպեճեանը եւ հիւրաբար Կիպրոս գտնուող Ֆրանսայի Գիտահետազօտական Կեդրոնի գիտաշխատող Դոկտ. Արի Թփուզխանեանը եւ իր ազնիւ տիկինը: Տէր եւ Տիկ. Մահտեսեաններ ներկայ գտնուեցան նաեւ Դոկտ. Թփուզխանեանի դասախօսութեան՝ «Հայ Աստուածաշունչին Շահեկանութիւն»ը, որ տեղի ունեցաւ Հոկտեմբեր ամսուայ վերջաւորութեան Առաջնորդարանի «Իւթիւճեան» սրահին մէջ:



Ուրբաթ, 27 Նոյեմբեր 2009ին, ՀՀԴ Բիւրոյի անդամ Մկրտիչ Մկրտիչեան, Լիբանանի Խորհրդարանի Երեսփոխան Յակոբ Բագրատունի, Լիբանանի Նախկին Նախարար Ալէն Թապուրեան, ՀՀԴ Կիպրոսի կոմիտեութեան Ներկայացուցիչներ Յակոբ Գազանճեան եւ Վա-

հան Այնեճեան, ընկերակցութեամբ Կիպրահայ Զամայնքի Պետական Ներկայացուցիչ Վարդգէս Մահտեսեանի, այցելեցին Խորհրդարան եւ մտերմիկ հանդիպում մը ունեցան Խորհրդարանի Նախագահ Մարիոս Կարոյեանի հետ: Այս առիթով, Մարիոս Կարոյեան խոստացաւ յարատեւ թիկունք հանդիսանալ Զայ Դատի աշխատանքներուն:

Ձեռնարկներու Ներկայութիւն

Կիրակի, 11 Զոկտեմբեր 2009ին, Պրն. Մահտեսեան ներկայ գտնուեցաւ Լառնազայի Զայ Ակումբին կազմակերպած դասախօսութեան, նիւթ ունենալով Ցիւրիիսի մէջ Զոկտեմբեր 10ին ստորագրուած Զայ-թրքական արձանագրութիւնները:

Շաբաթ, 7 Նոյեմբեր 2009ին, Տեր եւ Տիկ. Մահտեսեաններ ներկայ գտնուեցան Զամագայիի Կիպրոսի «Օշական» մասնաճիւղի կազմակերպած Լիբանանի «Կարկաչ» եւ «Այգ» պատանեկան երգչախումբերու ելոյթին, որ տեղի ունեցաւ Լառնազայի Քաղաքապետարանի սրահին մէջ: Այս ձեռնարկը կը վայելէր Պետական Ներկայացուցիչին հովանաւորութիւնը:

Ուրբաթ, 27 Նոյեմբեր 2009ին, Պետական Ներկայացուցիչը եւ տիկինը ներկայ գտնուեցան Կիպրոսի Զայ Դատի Յանձնախումբի կազմակերպած «Տարուայ Զայ Դատի անձնաւորութիւն»ը միջոցառումին, որ տեղի ունեցաւ Լաչչայի Քաղաքապետարանի սրահէն ներս, հովանաւորութեամբ Պրն. Վարդգէս Մահտեսեանի:

Ուրբաթ, 25 Դեկտեմբեր 2009ին, Պրն. Մահտեսեան եւ տիկինը այցելեցին Լառնազա, ուր անոնք ներկայ գըտնուեցան Ս. Ստեփանոս Եկեղեցւոյ անուանակոչութեան արարողութեան:

Ուրբաթ, 25 Դեկտեմբեր 2009ին, Տեր եւ Տիկ. Մահտեսեաններ հրաւիրուելով, ներկայ գտնուեցան Հ.Ե.Մ.ի տարեկան պարահանդեսին, որ տեղի ունեցաւ Լիկոսիոյ «Հիլթըն» պանդոկին մէջ:

Տարեկան այցելութիւն բանտարան

Ուրբաթ, 18 Դեկտեմբեր 2009ին, Պետական Ներկայացուցիչ Վարդգես Մահտեսեան, Տեր Մովսէս Զիւլ. Հապէշեանի ընկերակցութեամբ, այցելեց բանտարան եւ առիթը ունեցաւ մօտէն տեսակցելու հայ բանտարկեալներուն հետ՝ շնորհաւորելով անոնց Նոր Տարին եւ Ս. Ծնունդը:

Հայ Արուեստի դպրոցի կադանդի հաւաքոյթ

Ուրբաթ, 18 Դեկտեմբեր 2009ի երեկոյեան, Հայ Արուեստի դպրոցի պարահումբի փոքրիկները, իրենց հեր-





Թական փորձեն ետք, Նոր Տարուայ եւ Ս. Ծնունդի առթիւ, պզտիկ հաւաքոյթ մը ունեցան, հիւրասիրուելով եւ հաճելի վայրկեաններ անցընելով, ներկայութեամբ ծնողներու եւ բարեկամներու:



Ծանօթանանք Կիպրոսի Հանրապետության Օրենքներուն

Տնտեսութեան Նախարարութիւն

Յատկացումներու եւ նպաստներու բաժանմունք

Նախարարաց Խորհուրդը 14.04.2009ի թիւ 68.644 որոշումով, հաստատեց նուազ թոշակ ստացողներու պարագան, քննութեան ենթարկելով բարձրացնել անոնց ստացած գումարը՝ անշուշտ եթէ կը լրացնեն դիմումնագիրին վերջին եջին վրայ նշուած պայմանները: Դիմումնագիրները Նոյեմբեր 2009ի սկիզբը լոյս տեսան եւ Դեկտեմբեր 2009էն օրէնքը ուժի մէջ մտաւ: Ընդգծենք, թէ ամէն թոշակառու յարմար թեկնածու չէ այս նպաստէն օգտուելու:

Ստորեւ, հակիրճ ձեւով կը նշենք կարեւոր պայմանները, որոնք պետք է ամբողջանան օգտուելու համար այս յաւելումէն.-

- ◆ Թոշակառու անհատ մը, որու տարեկան եկամուտը €10.398էն նուազ է

- ◆ Թոշակառու երկու անհատներ (գոյգ մը), որոնց տարեկան եկամուտը €15.597էն նուազ է

- ◆ Եկամուտի այլ աղբիւրներ չունին, օրինակ՝ ուրիշ երկրէ ստացուած թոշակ, այլ գործերէ ամսական, վարձքերէ գանձում կամ եկամուտ՝ պահ դրուած գումարներու տոկոսէն

◆ Նոյն յարկի տակ ապրող երկու թոշակառուներ՝ մեկ դիմումնագիր կ'ամբողջացնեն, իսկ եթե թոշակառուներեն մեկը ծերանոց կը գտնուի ապա՝ իւրաքանչիւրը անհատաբար դիմում կը ներկայացնէ

◆ Դիմում ներկայացնելու ժամկետը Դեկտեմբեր 2009էն մինչեւ Դեկտեմբեր 2010 է: Անոնք որ կը փափաքին շարունակել օգտուիլ այս նպաստէն 2011ին ալ, անհրաժեշտ է նոր դիմում ներկայացնել 1 Սեպտեմբերէն 30 Նոյեմբեր 2010

Աելորդ է յիշել, թէ վերոնշեալ յատկացումները կը տրամադրուին պատշաճ դիմումնագիրները ամբողջացնելու պարագային միայն: Յաւելեալ մանրամասնութիւններու համար, հեռաձայնել Տնտեսութեան Նախարարութեան Օժանդակութեանց բաժանմունք՝ հեռ. 22-459911 եւ կամ անձամբ ներկայանալ Քաղաքացիներու Սպասարկութեանց Գրասենեակ (Κέντρα Εξυπηρέτησης του Πολίτη).

ԿԱՐԵՒՈՐ ՅԱՅՏԱՐԱՐՈՒԹԻՒՆ

Հիւպատոսի այցելութիւն

Կիպրահայ Համայնքի Պետական Ներկայացուցիչ Պրն. Վարդգէս Մահտեսեանի հրաւերով, Հայաստանի Հանրապետութեան Յունաստանի եւ Կիպրոսի Դեսպանութեան Հիւպատոս Տիկ. Լիանա Գրիգորեան Կիպրոս պիտի այցելէ Ուրբաթ, 5 Փետրուար եւ Շաբաթ, 6 Փետրուար 2010ին:

Կիպրոս ժամանակաւոր կամ մշտական բնակութիւն հաստատած Հայաստանի Հանրապետութեան քաղաքացիները, որոնք անցագիրի ժամկետի երկարաձգման, հաշուառման, փոխանակման, կորսուած անցագիրի, անչափահաս երեխաներու արձանագրութիւններու, ինչպէս նաեւ լիազօրագիր տալու գծով հարցեր ունին, կը խնդրուի անմիջապէս կապ հաստատել Կիպրահայ Համայնքի Պետական Ներկայացուցիչի Գրասենեակին հետ՝ հեռ. 22-454540 ժամադրութիւն ապահովելու համար:

Երեսփոխանական Գրասենեակ

Վարդգես Եւ Մակի
Մահտեսեաններ
Ամանորի Եւ Ս. Ծնունդի
գոյգ տօներուն առիթով
սրտանց կը շնորհաւորեն
Կիպրահայութիւնը, մաղթելով
առողջութիւն Եւ երջանկութիւն:

Թող 2010 թուականը մեր
Մայր Հայրենիքին համար ըլլայ
բարգաւաճումի, յարատեւ վերելքի
Եւ ազգային հիմնահարցերու բարուք
լուծումի տարի մը:

ԿԻՊՐԱՀԱՅ ՀԱՄԱՅՆՔԻ ՊԵՏԱԿԱՆ ՆԵՐԿԱՅԱՑՈՒՑԻՉԻ ԳՐԱՍԵՆԵԱԿ

Քաղաքական Գրասենեակ

9B & C Kastorias Street, Ayia Paraskevi, 2002 Strovolos
Հեռախօս 22- 45 45 40, Հեռատիպ 22- 42 46 42
Ել. Հասցէ office@armenianmp.com
Ոստայնէջ՝ <http://www.armenianmp.com>

Խորհրդարանական Գրասենեակ

Office Δ-2-2, House of Representatives, 1402 Nicosia
Հեռախօս 22- 40 72 02, Հեռատիպ 22- 40 74 42
Ել. Հասցէ vmahdessian@parliament.cy